

- adoratio, ego libatio, ego verbenae; carmen ego sum, ego itidem oleum sacrum, ego ignis, ego tuus incensum. Pater ego sum huius mundi, mater, tutor ac avus; doctrina arcana, lustramen, monosyllabum mysticum, atque triplex librorum
17. sacrorum volumen; via, nutritor, dominus, testis, domicilium, asylum, amicus, origo, dissolutio, statio, thesaurus, semen inexhaustum. Tepefacio ego orbem, ego imbrem retineo vel emitto; ambrosia perinde ac letum, ens ac non ens
18. ego sum, o Arjuna. Ternorum librorum sacrorum periti, asclepiadis acidae potores, peccatis suis lustrati, sacrificiis functi, viam superam a me exorant. Hi, sanctum nacti Indra
19. drae mundum, fruuntur divinis in coelo gaudiis Divorum. Iidem, coelesti illo mundo gavisi, praemio sanctitatis suae exhausto, ad orbem mortalium redeunt: sic religionem librorum sacrorum sectantes, desideriiis capti, felicitatem fluxam
20. ac reciprocantem adipiscuntur. Qui autem mortales de nullo alio cogitantes me venerantur, hisce semper intentis securitatem boni eventus ego praebeo. Qui vel alios Divos
21. colunt religiosi, ii ipsi quoque me tamen colunt, Kuntidis nate, sed cultu non rite instituto. Ego sane omnium sacrificiorum et perceptor sum et dominus: sed isti me non ex
22. veritate discernunt, hinc ad inferiora delabuntur. Pergunt Divis addicti ad Divos; ad Manes proavorum pergunt proavorum Manibus addicti; ad Lemures pergunt Lemurum
23. cultores; pergunt ad me denique cultores mei. Folium, florem, fructum, aquam, si quis mihi cum religione offert, id
24. ego religiose oblatum vescor a pie animato. Quodcumque agis, quodcumque vesceris, quodcumque sacrificas, quodcumque largiris, quodcumque tui castigandi gratia capessis, Kuntidis
25. nate, id mihi tanquam proprium trade. Sic liberabe-
26. 27. 28.